



JAVNO KOMUNALNO PREDUZEĆE
"ŠĆONA" D.O.O. FOJNICA
SPOMENIK PRIRODE
"PROKOŠKO JEZERO"



Poštovani/Poštovane,

U sklopu obilježavanja Međunarodnog dana zaštite biodiverziteta, u Fojnici će u srijedu, 22.05. sa početkom u 09.00 sati, (konferencijska sala hotela „Reumal“, V sprat) biti organizirana panel diskusija „Očuvanje i održivi razvoj Spomenika prirode Prokoško jezero“. Ovogodišnja tema skupa tiče se poticanja država da se obavežu na što veću implementaciju Globalnog okvira za biodiverzitet Kunming-Montreal.

Prokoško jezero će biti prvo zaštićeno područje u BiH koje će imati Plan upravljanja, koji integriše pitanje klimatskih promjena i prepoznaje mjere kojima se nastoji minimizirati negativan uticaj klimatskih promjena po biodiverzitet zaštićenog područja.

Organizator skupa je JKP „Šćona“ d.o.o. Fojnica (upravitelj zaštićenog područja Spomenika prirode Prokoško jezero), zajedno sa Općinom Fojnica i Ministarstvom prostornog uređenja, graditeljstva, zaštite okoliša, povratka i stambenih poslova SBK/KSB, a u saradnji sa UNDP u BiH, Fondom za zaštitu okoliša FBiH i Zemaljskim muzejom Bosne i Hercegovine.

Cilj skupa je povezati sve najznačajnije institucije, istraživače, nevladin sektor u Bosni i Hercegovini kako bi se uspostavila saradnja, razmijenila iskustva i identifikovali budući pravci razvoja ovog Spomenika prirode. Imajući u vidu specifičnosti ovog zaštićenog područja, njegova zaštita i održivi razvoj podrazumijevaju usklađivanje između zaštite okoliša i kreiranja preduslova za održivi turizam i perspektive njegovog razvoja.

Ukoliko vremenske prilike dozvole, nakon panela će biti organiziran obilazak Prokoškog jezera. Povratak u Fojnicu planiran je odmah nakon ručka, najkasnije do 16 sati. Nadamo se dolasku vaše ekipe, a za sva dodatna pojašnjenja budite slobodni kontaktirati me na broj 061-450-068. Vidimo se u Fojnici, 22.maja u 9.00.

S poštovanjem,
JKP „Šćona“ d.o.o. Fojnica

